

|        |            |           |          |
|--------|------------|-----------|----------|
| TARIKH | 22/10/2013 | MUKASURAT | 13       |
| HARI   | SELASA     | RUANGAN   | NASIONAL |

## 1TNB catat 'Malaysia Book of Records'

**SHAH ALAM** - Satu rekod dicatatkan oleh Tenaga Nasional Berhad (TNB) sempena penganturan Hari Keluarga TNB (1TNB) 2013 yang disertai seramai 30,500 warga kerjanya, Sabtu lalu.

Hari keluarga yang dijalankan serentak melibatkan 54 lokasi berbeza itu diiktiraf sebagai acara hari keluarga terbesar di negara ini menerusi 'Malaysia Book of Records'.

Ketua Pegawai Eksekutif TNB, Datuk Seri Ir. Azman Mohd berkata, acara ini dijalankan secara berasingan di setiap negeri bertujuan

untuk mewujudkan semangat setia kawan di kalangan tenaga kerja syarikat itu.

"Sepanjang hari keluarga ini dijalankan, pelbagai aktiviti yang sesuai untuk semua peringkat umur telah diaturkan untuk memberi peluang kepada kakitangan syarikat bermesra dan mengenali antara satu sama lain.

"Bagi kami, kemesraan dan semangat yang tinggi adalah merupakan asas bagi memastikan produktiviti syarikat ini berada di peringkat yang baik," katanya menerusi kenyataan media yang dikeluarkan semalam.



Ketua Pegawai Eksekutif Malaysia Book of Records, Abdul Aziz Hamdan (baju putih) memegang sijil rekod bersama Azman dan keluarga besar TNB.